

V I T A

S. GEROLDI MART.

Et collecta de eo pro Febricitantibus.

GEROLDUS Coloniae Agrippinae, anno
 salutis 1201 natus, à puero pietati & ab-
 stinentiae deditus, factus grandior multas ten-
 tationes diaboli superavit. Ubi ad aetatem vi-
 rilem pervenisset, cilicio indutus humi cuba-
 bat, seque in Dominicae Passionis meditatio-
 ne, donec sanguis in terram deflueret, flagel-
 labat; jejnijs & orationibus intentus. Is hu-
 mili amictu contectus, absque ullo saecularis
 auxilij adminiculo, multas & quidem longin-
 quas suscepit peregrinationes. Cum autem
 post S. Jacobi in Hispaniam, & Romae pere-
 grinationem, in Palaestinam transmittere pa-
 raret; apud Cremonam, in pago Mamica, à
 Pado fluvio absorpto, dum ad duos latrones,
 rixam inter se simulantes, pacificandos ac-
 currit, ab illis, ratis eum pecunias habere,

multis in capite vulneribus influctis impiè occiditur. Cujus corpus insigni miraculo deprehensum traditur, Campanis civitatis spontè sonantibus, odore suavissimo ex eo exhalante, luminibusq; divinitus in eo loco splendentibus. Quare Sanctus Vir jacens cum libello in quo nomen suum & patria, cum alijs rebus, scriptum erat, inventus est: cujus Corpus ab Episcopo & Clero, cum totâ civitate, quæ ad tantam rei novitatem confluxerat, solenni pompâ elatum, in urbemq; delatum, in Æde S. Vitalis conditum est; cùm portitores ad aliam Ecclesiam divertere conantes, immobiles effecti fuissent. Illud nunc in propriâ Ecclesiâ piè asservatur.

Ista totidem verbis recitat Philippus Ferrarius Ord. Servorum B. M. Generalis in Catalogo SS. Italici Mediolani anno 1613 impresso, ex Vita ipsius, Cremonæ anno 1581 typis excusâ. Idem deinde hæc addit:

Cùm præter enarrata, nova post mortem, ad ejus tumulum, super cæcis, claudis, & alijs morbo aliquo laborantibus, miracula fierent, sacrâ suo nomini Æde dicatâ, celebrari cœpit illius Natalis hac die VII Octobris.

Per merita Passionis Domini nostri Jesu Christi, & beatæ Mariæ semper Virginis, & beati GEROLDI Martyris, & omnium Sanctorum, liberet nos Deus ab omni malo febris. Amen. Pater Noster. Ave Maria. Credo.

Præsta quæsumus, omnipotens Deus, ut intercedente beato GEROLDO Martyre tuo, & à cunctis adversitatibus liberemur in corpore, & à pravis cogitationibus mudemur in mente. Per Dominum nostrum Jesum Christum, &c.

D S S E N.